



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Odluka
o izmjenama i dopunama Odluke
o platama i naknadama u organima Grada Sarajeva
(Prijedlog)

Predlagač: Gradonačelnica

Obradivač: Gradska služba za opću upravu
i zajedničke poslove

Sarajevo, januar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 58, 60, 61. i 62. Zakona o platama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, br. 45/10, 111/12 i 20/17) i člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva, na __. Sjednici, održanoj __. __. 2022. godine, donijelo je:

(Prijedlog)

**Odluku
o izmjenama i dopunama Odluke
o platama i naknadama u organima Grada Sarajeva**

Član 1.

U Odluci o platama i naknadama u organima Grada Sarajeva („Službene novine Kantona Sarajevo“, broj 38/17), (u daljem tekstu „Odluka“) mijenja se preambula tako što se briše tekst : „odredbi Zakona o plaćama i naknadama u organima vlasti KS („Službene novine Kantona Sarajevo“, broj 33/11)“.

Član 2.

U članu 1. stav 2. Odluke briše se tačka b).

Član 3.

Član 6. Odluke se u potpunosti briše, tako da dosadašnji član 7. postaje član 6, član 8. postaje član 7. i tako do kraja teksta Odluke.

Član 4.

U dosadašnjem članu 7., na početku teksta, iza riječi „funkcioner“ briše se riječ „savjetnik“.

Član 5.

U dosadašnjem članu 9. briše se stav 5. Dosadašnji stav 6. postaje stav 5., a stav 7. postaje stav 6. U istom članu u potpunosti se briše stav 8., tako da dosadašnji stav 9. postaje stav 8. u čijem se drugom redu briše riječ „i savjetnika“. Dosadašnji stav 10. postaje stav 9.

Član 6.

Mijenja se naziv poglavlja II tako da glasi:
„II – PLATE I NAKNADE FUNKCIONERA I GRADSKIH VIJEĆNIKA U GRADU SARAJEVO“.

Član 7.

U dosadašnjem članu 11. stav 1. iza riječi „funkcioneri“ briše se tekst „i savjetnici“. U istom članu u potpunosti se briše stav 3.

Član 8.

U članu 12. mijenja se naslov tako da glasi: „(Platni razredi i koeficijenti za plate funkcionera)“.

U istom članu iza riječi „funkcionera“ briše se tekst „i savjetnika“, dok se u tabelarnom prikazu u potpunosti briše platni razred VI.

Član 9.

Iza člana 16. mijenja se naziv odjeljka B. tako da glasi:

„Odjeljak B. Pravo na naknade gradskim vijećnicima, ostvarivanje prava te druga prava funkcionera“

Član 10.

Član 16. se mijenja i glasi:

„Član 16.

Gradski vijećnik ostvaruje pravo na:

- Naknadu materijalnih troškova koji proizlaze iz vršenja funkcije na koju su izabrani;
- Naknadu troškova za službeno putovanje koji proizlaze iz vršenja funkcije na koju su izabrani ili se realizuje na osnovu odluke Gradskog vijeća kojom su određeni članovi delegacije;
- Naknadu za slučaj smrti, teške bolesti i invalidnosti, na način i pod uslovima utvrđenim članom 33. i 34. ove odluke za državne službenike i namještenike u organima Grada Sarajeva.

Član 11.

U dosadašnjem članu 17. stav 1., iza riječi „funkcionerima“ briše se tekst „i savjetnicima“

U istom članu stav 2., iza riječi „funkcioneri“ briše se tekst „i savjetnici“

Član 12.

U dosadašnjem članu 18., posljednja alineja, iza riječi „zamjenike gradonačelnika“ briše se tekst „i savjetnike“.

Član 13.

Dosadašnji član 19. (Druga prava) se mijenja i glasi:

„Administrativna komisija Gradskog vijeća Grada Sarajeva donosi akte kojima se uređuju prava funkcionera, pravobranioca i zamjenika pravobranioca za korištenje prijevoza službenim vozilima, plaćanje troškova službene komunikacije, informisanja i reprezentacije.“

Član 14.

U dosadašnjem članu 20. u tabeli koja se odnosi na I platni razred, alineja 3 iza teksta „Rukovodilac stručne službe“ briše se riječ „gradonačelnika“.

Član 15.

Dosadašnji član 21. (Platni razred i koeficijent za plate namještenika), mijenja se i glasi:

„Utvrđuje se sljedeći platni razredi i koeficijenti za plate namještenika Grada Sarajeva:

Platni razred	Radno mjesto	Koeficijent
I	- šef unutrašnje organizacione jedinice (VŠS)	3,20
II	- viši samostalni referent (VŠS)	3,10
III	- šef unutrašnje organizacione jedinice (SSS)	2,90
IV	- viši referent (SSS) i VKV radnik	2,70
V	- referent (SSS) i KV III i IV stepen	2,60
VI	- pomoćni radnik i nekvalificirani radnik (NK radnik)	1,85

Član 16.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

**Broj:
Sarajevo,**

OBRAZLOŽENJE

PRAVNI OSNOV

Pravni osnov za donošenje Odluke o izmjenama i dopunama Odluke o platama i naknadama u organima Grada Sarajeva, sadržan je u preambuli Odluke gdje su navedene odredbe Zakona o platama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, br. 45/10, 111/12 i 20/17) kojima se reguliše načela, visina i način utvrđivanja prava na naplatu i ostale naknade koje nemaju karakter plate.

Članom 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) utvrđena je nadležnost Gradskog vijeća Grada Sarajeva da donosi odluke, druge propise i opće akte i daje njihovo tumačenje.

RAZLOZI DONOŠENJA ODLUKE

Donošenjem Odluke o organizaciji i djelokrugu organa uprave Grada Sarajeva („Službene novine Kantona Sarajevo“, broj 24/21), Uredbe o osnivanju Stručne službe gradonačelnice Grada Sarajeva, broj 01/04-04-3834/21 od 25.06.2021. godine i Uredbe o osnivanju Stručne službe za poslove Gradskog vijeća Grada Sarajeva, broj 01/04-04-3835/21 od 25.06.2021. godine, te Pravilnika o unutrašnjoj organizaciji i sistematizaciji radnih mjesta organa uprave i stručnih službi Grada Sarajeva, broj 01/04-043746/21 od 16.07.2021. godine, stekli su se uslovi da se pristupi usaglašavanju pojedinih odredaba Odluke o platama i naknadama u organima Grada Sarajeva koja je donesena u septembru 2017. godine i objavljena u („Službene novine Kantona Sarajevo“, broj 38/17) sa navedenim aktima.

PREDLOŽENE IZMJENE

1. U Odluci o platama i naknadama u organima Grada Sarajeva („Službene novine Kantona Sarajevo“, broj 38/17), (u daljem tekstu. „Odluka“) mijenja se preambula tako što se briše tekst : „odredbi Zakona o plaćama i naknadama u organima vlasti KS („Službene novine Kantona Sarajevo“, broj 33/11)“.

Obrazloženje:

Članom 57. Zakona o platama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, br. 45/10, 111/12 i 20/17) je propisano:

„Kantoni, općine i gradovi u FBiH će, u svojim propisima o platama i naknadama poštovati osnovana načela za utvrđivanje plata propisana članom 3. ovog zakona“

S obzirom da je Kanton Sarajevo donio Zakon o plaćama i naknadama u Kantonu Sarajevo i ispoštovao odredbe člana 3. te isti prilagodio tome nivou vlasti, time je bilo suvišno pozivanje na taj propis u preambuli ove odluke.

2. Kako je danom stupanja na snagu Zakona o državnoj službi Kantona Sarajevo („Službene novine Kantona Sarajevo“ br. 31/16 i 45/19), prestao da važi Zakon o primjeni zakona o državnoj službi FBiH u Kantonu Sarajevo („Službene novine Kantona Sarajevo“, broj 8/11), time su prestale da važe i odredbe koje se odnose na pravo imenovanja savjetnika gradonačelnika, odnosno načelnika..

S obzirom na navedeno valjalo je u ovoj odluci brisati sve odredbe koje se odnose na prava na plate i naknade za vršenje ove funkcije.

3. Član 10.

Član 16. se mijenja i glasi:

„Član 16.

Gradski vijećnik ostvaruje pravo na:

- Naknadu materijalnih troškova koji proizlaze iz vršenja funkcije na koju su izabrani;
- Naknadu troškova za službeno putovanje koji proizlaze iz vršenja funkcije na koju su izabrani ili se realizuje na osnovu odluke Gradskog vijeća kojom su određeni članovi delegacije.

Obrazloženje: Ovim članom koji ima naslov „(Pravo na naknade gradskim vijećnicima)“ i koji se sastoji od 7 stavova, nabrojana su prava gradskog vijećnika za koja ne postoji uporište u Zakonu na osnovu kojeg je odluka donesena. Pored navedenog, nabrojana su i prava funkcionera koja ne bi trebala biti obuhvaćena ovim članom.

4. Član 13.

Dosadašnji član 19. (Druga prava) mijenja se i glasi:

„Administrativna komisija Gradskog vijeća Grada Sarajeva donosi akte kojima se uređuju prava funkcionera, pravobranioca i zamjenika pravobranioca za korištenje prijevoza službenim vozilima, plaćanje troškova službene komunikacije, informisanja i reprezentacije.“

Obrazloženje:

Kako su u važećoj odluci, u više odredaba, ponavljana određena prava funkcionera, kao što je npr. pravo na prijevoz službenim vozilima te je zadužena Administrativna komisija za donošenje pojedinačnih akata kojim se pobliže regulišu ta prava, bilo je potrebno utvrditi navedena prava i jedinstvenom odredbom zadužiti nadležno radno tijelo za donošenje istih.

5. Član 14.

U dosadašnjem članu 20. u tabeli koja se odnosi na I platni razred, alineja 3 iza teksta „Rukovodilac stručne službe“ briše se riječ „gradonačelnika“.

Obrazloženje:

Uredbom o osnivanju Stručne službe gradonačelnice Grada Sarajeva, broj 01/04-04-3834/21 od 25.06.2021. godine i Uredbom o osnivanju Stručne službe za poslove Gradskog vijeća Grada Sarajeva, broj 01/04-04-3835/21 od 25.06.2021. godine, formirane su dvije stručne službe u okviru organa uprave Grada Sarajeva, te su u skladu s tim, Pravilnikom o unutrašnjoj organizaciji i sistematizaciji radnih mjesta organa uprave i stručnih službi Grada Sarajeva, predviđena i radna mjesta rukovodilaca tih službi, čime je bilo potrebno izmijeniti i poziciju u platnom razredu.

6. Član 15.

Dosadašnji član 21. (Platni razred i koeficijent za plate namještenika) mijenja se i glasi:

„Utvrđuje se sljedeći platni razredi i koeficijenti za plate namještenika Grada Sarajeva:

Obrazloženje:

Iz razloga navedenih u prethodnoj tački 5. bilo je potrebno izmijeniti redoslijed platnih razreda kako bi se ispunili uslovi za utvrđivanje platnog razreda i koeficijenta za novo radno mjesto – šef unutrašnje organizacione jedinice (SSS) – III platni razred.